

255 20. nóv.	<i>Brunabótamat:</i>	<i>Jarðlína:</i>	<i>Loftlína:</i>
	Frá kr. 100 000.00 til 125 000.00	kr. 1950.00	kr. 1350.00
	— — 125 000.00 — 150 000.00	— 2100.00	— 1500.00
	— — 150 000.00 — 175 000.00	— 2250.00	— 1650.00
	— — 175 000.00 og yfir	— 2400.00	— 1800.00

Greiði húseigandi áætlaðan helming heimtaugargjalds um leið og heimtaugaruppsetningu er lokið, er heimilt að veita honum gjaldfrest í allt að 12 mánuði á eftirstöðvunum. Heimtaugargjald fellur í gjalddaga, þegar brunabótamat hússins hefur verið framkvæmt.

Sé lengd jarðlínuheimtaugar meiri en 15 metrar og loftlínuheimtaugar meiri en 40 metrar og gildleiki víra meiri en  $3 \times 70$  qmm, skal húseigandi greiða kostnað af því, sem fram yfir er. Ef lagðar eru fleiri en ein heimtaug að húsinu, skal greiða allan kostnað við síðari heimtaug eftir reikningi.

#### IV. OPNUNARGJALD

1. Hafi gjald samkvæmt gjaldskrá þessari eigi verið greitt svo að til lokunar hafi komið fyrir veitu, skal taka gjald fyrir enduropnun kr. 20.00.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð, fyrr en notandinn hefur greitt 20.00 kr. gjald á skrifstofu rafveitunnar.

Hreppsnefnd er heimilt að hækka eða lækka gjöld, sem ákveðin eru í I. kafla þessarar gjaldskrár, um allt að 10%, án sérstakrar staðfestingar ráðuneytisins, enda auglýsi hreppsnefndin breytinguna í Lögbirtingablaðinu áður en til hennar kemur.

Gjaldskrá þessi, sem hreppsnefnd Njarðvíkurhrepps hefur samið og samþykkt, staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Njarðvíkur, nr. 44 21. marz 1949.

*Atvinnumálaráðuneytið, 20. nóvember 1950.*

**Hermann Jónasson.**

*Þorv. K. Þorsteinsson.*

256  
22. nóv.

## REGLUGERÐ

fyrir vatnsveitu í Dalvík.

### 1. gr.

Hreppsnefnd Dalvíkurhrepps hefur einkaleyfi til reksturs vatnsveitu og sölu vatns á svæði því, er vatnsveita hreppsins nær yfir og hún getur fullnægt, og einnig til hafnarinnar í Dalvík.

### 2. gr.

Vatnsveitunefnd skipa 3 aðalmenn og 3 varamenn, sem kosnir eru af hreppsnefnd til fjögurra ára.

Annast hún öll framkvæmdastörf, viðhald og endurbætur vatnsveitunnar, fjármál hennar og umsjón eigna, í samráði við hreppsnefnd.

Heimilt er vatnsveitunefnd að ráða sérstakan umsjónarmann vatnsveitunnar, 256 er hefur eftirlit með veitukerfinu og önnur störf í þágu vatnsveitunnar, er henta 22. nív. þykir.

### 3. gr.

Frá vatnsæðum vatnsveitunnar má enginn leggja vatnsæðar, nema með leyfi vatnsveitunefndar, og má enginn leggja vatnsæðar frá vatnsveitunni annar en sá eða þeir, sem vatnsveitunefnd felur það starf. Hver sá, sem vill komast í samband við vatnsveitu Dalvíkur skal senda vatnsveitunefnd skriflega umsókn þar um.

Umsókninni skulu fylgja upplýsingar um, hve mikið vatn hlutaðeigandi telur sig þurfa að nota.

### 4. gr.

Hverjum húseiganda ber að greiða allan kostnað við lagningu vatnsæðar úr götulögnum í hús sín, og annast viðhald þeirra á sinn kostnað.

Skylt er hverjum húseiganda að halda vatnsæðum sínum frá götulögnum vel við, og láta tafarlaust gera við þær, ef leki kemur að þeim eða aðrar bilanir. Hann skal sérstaklega gæta þess, að ekki frjósi í æðunum. — Enginn má eyða vatni að óþörfu. Enginn má setja aflvélar við vatnsveituna, nema með leyfi vatnsveitunefndar eða umsjónarmanns.

### 5. gr.

Vatnsveitunefnd, umsjónarmanni eða löggiltum vatnsvirkjum, er heimilt að fara um hús manna, þar sem vatnsæðar liggja, til þess að athuga þær og tæki þau, sem sett eru í samband við þær. Ef þeim þykir útbúnaði í einhverju ábótavant, skal tafarlaust bætt úr því á kostnað húseiganda.

Heimilt er vatnsveitunefnd eða umsjónarmanni að loka vatnsæðum fyrir þeim, sem vanrækja að láta gera við bilanir á pípum eða tækjum, eyða vatni að óþörfu eða greiða ekki tengigjöld eða vatnsskatt á réttum gjalddaga, efni, vinnu eða annað, sem vatnsveitan kann að leggja til um stundarsakir.

### 6. gr.

Engum er heimilt án leyfis vatnsveitunefndar eða umsjónarmanns að taka vatn úr brunahönum vatnsveitunnar; þó þarf ekki leyfi nefndarinnar, ef um brunavarnir er að ræða.

### 7. gr.

Vatnsveitunefnd getur fyrirskipað takmörkun á vatnsnotkun, ef skortur er á vatni. Þá getur hún og lokað fyrir vatnið þegar þarf, vegna hreinsunar á vatnsgeymum, tengingar eða viðgerðar á vatnsæðum veitunnar. Slíka lokun skal tilkynna fyrir fram, ef nokkur tók eru á. Fullan vatnsskatt ber að greiða, þó að slík lokun fari fram.

### 8. gr.

Af öllum húsum í lögsagnarumdæmi Dalvíkurkaupþúns, sem virt eru til fasteignarskatts, og vatni er veitt í eða úr næst til vatnsæða í götu, vegi eða opnu svæði, er lóð þeirra telst til, skal greiða vatnsskatt. Skatturinn skal lagður á eftir hinn lögskipuðu fasteignamatsvirðingu húsanna. Skattinn skal einnig greiða af virðingarverði fastra véla, sem í húsinu eru, ef þær eru váttryggðar ásamt því, enda noti þær vatn frá veitunni.

### 9. gr.

Af öllum húsum í lögsagnarumdæmi Dalvíkurkaupþúns, sem svo er ástatt um, sem um getur í 8. gr. reglugerðar þessarar, skal greiða vatnsskatt að upphæð kr. 15.00 af þúsundi fasteignamatsverðs, þó þannig, að lægsta gjald af einbýlishúsi sé

256 kr. 100.00 og á íbúðarhúsi með 2 íbúðum eða fleiri skal lægsta gjald vera kr. 70.00  
22. nív. á íbúð.

Fyrir vatnshana utanhúss og í peningshúsum og öðrum hliðstæðum útihúsum, skal greiða kr. 25.00 árlega.

Tengigjald greiðir húseigandi um leið og hús hans hefur verið tengt við vatnsæð vatnsveitunnar að upphæð kr. 100.00.

#### 10. gr.

Af húsum þeim, sem nota mikið vatn til annarra þarfa en heimilisnotkunar svo sem verksmiðjur, baðhús, þvottahús, iðnaðarfyrirtæki, gistihús o. fl., skal greiða vatnsskatt kr. 25.00 af þúsundi af fasteignamati, ef ekki er greiddur sérstakur auka-skattur vegna rekstursins samkvæmt 11. gr., en sé svo, skal greiða vatnsskatt af húsverði slíkra fyrirtækja samkvæmt 9. gr.

#### 11. gr.

Auk þess vatnsskatts, er um getur í 9. og 10. gr., skal greiða sem hér segir:

1. Fyrir vatn til skipa kr. 10.00 fyrir smálestina, þó sé aldrei greitt minna en kr. 15.00.
2. Af hverri tunnu fullverkaðrar síldar kr. 0.25.
3. Af hverri tunnu frystrar síldar kr. 0.50.
4. Af hverjum 100 kg söltuðum, frystum eða ísuðum fiski kr. 0.05.
5. Af hverjum 100 kg hraðfrystum flökum kr. 0.20.
6. Af hverjum 100 kg þvegnum saltfiski kr. 0.20.
7. Af hverjum kjötskrokk í sláturhúsi, sauðfé kr. 0.06.
8. Af hverjum kjötskrokk í sláturhúsi, stórgrip kr. 1.00.
9. Fyrir vatn til bílaþvotta, vörubílar kr. 75.00 árleg greiðsla.
10. Fyrir vatn til bílaþvotta, fólksbílfreiðar, kr. 35.00 árleg greiðsla.
11. Fyrir vatn til bílaþvotta, jeppar, kr. 35.00 árleg greiðsla.
12. Fyrir vatn til lifrabræðslu, kr. 1.00 hvert fat.
13. Heimilt skal hreppsnefnd að semja um fast árgjald fyrir neytluvatn til skipa og báta, sem gerð eru út frá Dalvík.

#### 12. gr.

Hreppsnefnd getur ákveðið að hækka eða lækka vatnsskatt þennan allt að 50%.

#### 13. gr.

Hver sem skemmir eða saugar vatnsæðar vatnsveitunnar, vatnsgeyma, brunahana, eða önnur mannvirki, sem heyra vatnsveitunni til, skal greiða fullar bætur samkvæmt mati tveggja óvilhallra manna, og sæta sektum fyrir.

Hver sá, sem sannur verður að sök um að taka vatn án heimildar eða á annan hátt en ráð er gert fyrir, í þeim tilgangi, að losna við að greiða lögmæt gjöld fyrir, skal sæta sektum, nema þyngri refsing liggi við samkvæmt hegningarlögunum. Auk þess greiði hann fyrir vatnið eftir mati umsjónarmanns eða vatnsveitunefndar.

#### 14. gr.

Skylt er manni að láta af hendi land sitt, landsafnot og mannvirki í þágu vatnsveitu kaupþúsins og þola þær kvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir eftir mati, ef eigi næst samkomulag.

## 15. gr.

Gjaldár vatnsveitunnar er almanaksárið.

Gjalddagi vatnsskatts er 15. október ár hvert og greiðist skatturinn í einu lagi fyrir líðandi ár.

Eigandi vatnsskattsskyldrar eignar ber ábyrgð á greiðslu skattsins. Vatnsskattinn má taka lögtaki og er hann tryggður með lögveði í eigninni í næstu tvö ár eftir gjalddaga með forgangsveði fyrir hvers konar sammingsveði og aðfararveði.

256

22. nóv.

## 16. gr.

Brot gegn reglugerð þessari varða sektum allt að kr. 500.00, nema þyngri refsing liggja við að lögum. Með mál út af brotum á reglugerð þessari skal farið sem almenn lögglumál.

## 17. gr.

Með reglugerð þessari er numin úr gildi gjaldskrá fyrir vatnsveitu Dalvíkur, nr. 40 frá 3. júní 1938, og breyting á sömu gjaldskrá, nr. 105 frá 17. júlí 1942.

Reglugerð þessi, sem samin er og samþykkt af hreppsnefnd Dalvíkurhrepps, staðfestist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, er hlut eiga að máli.

*Félagsmálaráðuneytið, 22. nóvember 1950.*

**Steingrímur Steinþórsson.**

*Hallgrímur Dalberg.*

## AUGLÝSING

257

23. nóv.

um breyting á gjaldskrá fyrir Hitaveitu Reykjavíkur, nr. 233 30. des. 1943.

A. 3. grein gjaldskrárinnar orðist svo:

Fyrir afnot heita vatnsins skal greiða samkvæmt vatnsmæli, kr. 1.90 fyrir hvern rúmmetra vatns.

Þar til vatnsmælir hefur verið settur upp, og ef vatnsmælir bilar, áætla Hitaveitan vatnsnotkunina, með hliðsjón af hitaþörf hússins.

B. 4. grein gjaldskrárinnar falli burt og breyttist greinatölur og tilvitnanir í samræmi við það.

C. Ný grein, er verði 12. grein:

Gjaldskrá þessi gildi frá álestursdegi sem næst 1. október 1950.

Gjaldskrá þessi staðfestist hér með samkvæmt lögum nr. 38 12. febrúar 1940, til að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 23. nóvember 1950.*

**Steingrímur Steinþórsson.**

*Hallgrímur Dalberg.*